

麗體金膏卷七

拜颺集

唐

上文選注表

李善

爲汝南公華州賀赦表

李商隱

爲京兆公陝州賀南郊赦表

李商隱

宋

賀登極表

范致虛

賀登極表

許開

賀登極表

陳耆卿

賀聖節表

方岳

賀元會表

秦觀

賀皇帝御福寧殿表

李劉

賀車駕幸秘書省表

呂祖謙

賀車駕幸太學表

石忬

車駕親征起居表

汪藻

賀誅吳曦表

危昭德

代宣司賀復泗州表

應松湖

代宰相賀正旦雪表

洪适

賀雪表

呂祖謙

代宰相賀雪表

楊萬里

賀雪表

黃疇若

賀河清表

趙鼎臣

徐州賀河平表

蘇軾

賀獄空表

趙鼎臣

和議成賀表

岳飛

賀光堯皇帝遜位表

馮時行

正旦遙賀太上皇表

汪藻

賀太上皇壽七十表

孫養晦

重華宮會慶節賀表

周必大

會慶節賀壽皇表

陸游

車駕巡幸起居太上皇表

汪藻

重華宮上尊號賀皇帝表

許開

賀皇帝慶皇太后八十表

洪适

又

代進光宗御集表

王子俊

國史院進三朝正史帝紀表

洪邁

代進重修七司令表

王子俊

進大學衍義表

真德秀

乞校正陸贄奏議上進劄子

蘇軾

進兩制三館牡丹歌詩狀

晏殊

進先文定公文集表

胡寅

謝兼侍讀表

蘇軾

謝侍講兼脩國史表

洪邁

謝宣召入翰林狀

歐陽修

謝宣召入院表

真德秀

謝知制誥表

歐陽修

謝除中書舍人表

蘇轍

謝禮部尚書兼翰林院學士表

周必大

謝除禮部侍郎兼直院兼侍讀表

真德秀

密州謝上表

蘇軾

湖州謝上表

蘇軾

到黃州謝表

蘇軾

謝量移汝州表

蘇軾

到昌化軍謝表

蘇軾

謝南郊恩加封表

汪藻

謝賜御草書趙嘏南亭詩表

王禹偁

謝賜御書孟子表

范端臣

謝賜御書張九齡千秋金鑑錄故事表

真德秀

謝賜衣帶表

楊萬里

謝賜對衣金帶馬狀

蘇軾

又

蘇軾

謝賜對衣金帶鞍馬表

張守

謝賜銀合臘藥表

周必大

又

周必大

謝賜柑表

金使闕名

謝致仕表

歐陽修

亳州乞致仕第二表

歐陽修

亳州乞致仕第四表

歐陽修

乞常州居住表

蘇軾

全

唐李善上文選註表

舊有俞犀月註按犀月名瑒江
南吳江人。舊唐書李善江都

人方雅清勁明慶中累補太子內率府錄事參
軍崇賢館直學士兼沛王侍讀註文選六十卷
表上之賜絹百二十四詔藏于秘閣除潞王府
記室參軍轉秘書郎乾封中出為經城令坐與
賀蘭敏之周密配流姚州後遇赦得還以教授
為業弟子多自遠而至又撰漢書辨惑三十卷
載初元年卒 新唐書李邕傳父善有雅行淹
貫古今不能屬辭故人號書籙 何曰李善文
選學本於其師曹憲憲江都人隋秘書學士嘗
著廣雅以昭明文選授同郡魏模公孫羅江夏
李善於是其學大興
見唐書儒林列傳

臣善言竊以道光九野縟景

影

緯以照臨

縟繁也景日月之景

德載八埏

延。俞曰淮南子九州之外有八埏

麗山川以錯峙

峙屹垂

象之文斯著。含章之義聿宣。協人靈以取則。基化成

而自遠。故羲繩之前。飛葛天之浩唱。路史註葛音蓋。俞曰呂氏春秋

葛天氏之樂三人操。牛尾投足以歌八闋。媧簧之後。世本女媧作簧。去

聲。叢雲之奧詞。俞曰尚書大傳舜將禪禹於是俊又。百工相和而歌。卿雲帝唱之。八伯咸

進稽首而和。帝乃載歌于。是八風循道。卿雲叢藂。步驟分途。俞曰史記註三。皇步五帝驟三

王馳五。霸驚。星躔殊建。球鐘愈暢。球玉。磬。舞詠方滋。楚國詞

人御蘭芬於絕代。漢朝才子綜鑿。槃悅於遙年。楊子。法言

古之學者耕且養三年而通一經。今之學者非獨為。之華藻也。又從而繡其槃悅言。用文飾於不必用之。

地虛元流正始之音。虛元謂以無為。宗老莊之屬正。始魏曹芳年號。時何晏善談老

莊天下翕然宗之此正始與上篇正始之道著不同
衛玠別傳玠至武昌見王敦敦顧謂僚屬曰昔年輔
嗣吐金聲于中朝此子今復玉振于江表微言
之緒絕而復續不悟永嘉之中復聞正始之音
氣質

馳建安之體沈約宋書子建仲宣以氣長離北度何

潘岳為賈謐贈陸機詩云婉婉長離凌江而翔長離
云誰咨爾陸生長離鳳也北度謂吳亡北度入洛

騰雅詠於圭陰俞曰周禮大司徒以土圭之法測土

尺五寸夏至日立八尺之表其景正與土圭等謂之
地中測景於地故曰圭陰益洛陽為天地之中於日

景無盈縮處驗之言陸機之才名化龍東驚扇風

播於洛下圭陰二字只作洛下解化龍東驚扇風

流於江左晉陽秋太安中童謠曰五馬浮渡江一馬
化為龍時永嘉末大亂唯琅邪西陽汝南
南頓彭城五王渡江而東後琅邪王卽位是為中宗
煽揚也風流謂文物自元帝中興庾王陶謝輩出文

章獨盛

爰逮有梁宏材彌劭昭明太子業膺守器譽

貞問寢居肅成而講藝

魏書文帝初在東宮集諸儒於肅成門內講論大議侃侃

無倦開博望以招賢

漢武帝為太子據開博望苑以通賓客

塞中葉之詞

林酌前修之筆海周巡綿嶠

品盈尺之珍

俞曰漢詩外傳

良玉度尺雖有十仞之上不能掩其光

楚望長瀾搜徑寸之寶故撰斯

一集名曰文選後進英髦咸資準的伏惟陛下經緯

成德文思垂風則大居尊耀三辰之珠璧希聲應物

宣六代之雲英孰可撮壤崇山導涓宗海臣蓬衡藁

品樛散陋姿汾河委筴

策頰二音

夙非成誦

按漢武帝過河東亡書十

三篋張安世記出不遺一字不曰河東而曰分河與下崇山取對成偶耳成誦者頴悟人書過目不忘如

已誦過崇山墜簡未議澄心山愈曰崇山亦嵩山義晉嵩山下有古簡一枚載蝌蚪

書兩行張華以問束皙曰此漢明帝顯節陵策文驗之果然握玩斯文載移涼燠

有欣永日實昧通津故勉十舍之勞三十里為一舍淮南子夫騏驥

千里一日可通駑馬十舍旬必及之寄三餘之暇寄猶乘也魏晷董道好學人從學者遇不

肯教云當先讀書百遍而義自見從學者云苦竭無日遇日以三餘冬者歲之餘雨者晴之餘夜者日之

餘之七鈞書部願言注緝合成六十卷殺青甫就殺青以火

炙青竹輕用上聞享帝自珍享獻也俞曰典論里語云家有敝帚享之千金

言藏之則為敝帚獻之於人則緘石知謬緘石見應

自家珍惜如千金然不忍舍也緘石知謬緘石見應

註 敢有塵於廣內。庶無遺於小說。謹詣闕奉進伏願

鴻慈。曲垂照覽。謹言。顯慶三年九月上表。

舊唐書高宗紀

永徽七年正月改元為顯慶六臣本十七日

方伯海曰。按表者表白其事。魏晉而上皆用散行。其四六駢體。至六朝始有。然亦分二種。有指陳事理者。有陳謝慶賀者。陳謝慶賀。唐宋而後。繁用駢體。而指陳事理亦多用散行。以不如是則無以反覆事理而曲暢之也。即駢體中亦要依類切題。不特原起正位處當切。即頌聖自謙亦要比事屬詞。六朝所以失之繁蕪。由於只取富麗浮夸。不實銘誌。碑碣按之本人多不相似。處處可通。故不足貴。此表截截周到。字字雅切。自未有文字說到既有文字見累朝體製不同。宗匠各擅。則昭明茲選誠有益藝林。己之註選非徒勞翰墨矣。其括各家處品昭明處。頌聖自謙處。不落膚泛。穢纖筆墨當遠。

為汝南公華州賀

當脫南

赦表

舊書周墀傳
墀字德升汝

南人長慶二年擢進士第開成四年拜中
書舍人武宗即位出為華州刺史鎮國軍
潼關防禦等使後至大中時封汝南男新
書傳武宗即位以疾改工部侍郎出為華
州刺史按舊書紀陳夷行傳開成五年七
月以檢校禮部尚書華州刺史召入復同
平章事則周墀代陳刺華亦在此際也舊
書武宗紀會昌元年正月王寅朔庚戌有
事郊廟禮畢御丹鳳樓大赦改元新書紀
正月己卯朝獻太清宮庚辰朝享太廟辛
巳有事於南郊大赦改元按太平御覽引
此作庚戌同舊書通鑑引此作辛巳同新
書新書紀事而不紀朔舊書正月壬寅朔
二月乃又書壬寅今以本集祭文是年四
月辛丑朔舊紀十一月丁酉朔通鑑閏月
十月舊紀誤作兩十月又舊紀開成五年

正月戊寅朔會昌二年正月丙申朔合而推之則舊紀二月壬寅不誤正月實誤當作壬申或癸酉朔其九日或庚辰或辛巳則一一畢符也此為無益之考核耳又按唐時郊天頗不專用辛日如大中元年正月舊紀戊申有事郊廟新紀作甲寅要皆非辛也此兩表云卜上辛謂用典也可謂適逢辛也可其為九日必然也

唐李商隱義山

臣某言伏奉正月九日制書南郊禮畢改元為某大

赦天下者

王應麟玉海秦并諸侯曰大赦天下由漢以來或即位建儲改元立后皆有大赦遂

為常

奉郊禋以定天位

周禮大宗伯以禋祀祀昊天上帝周語精意以享曰禋漢

書郊祀志兆於南郊所以定天位也

新厯象以授人時

書厯象日月星辰敬授人時

乾健離明震動允悅見易象傳跂行喙息漢書匈奴傳跂行喙息振動之

類師古曰跂行凡有足而行者喙息凡以口出氣者罔不慶幸臣某中賀臣聞

欽一作禋非昊天而旅上帝者書欽若昊天周禮掌次大旅上帝注曰祭天子園邱

聖王一作人之重事覃殊休而發大號者易渙汗其大號哲后

之洪猷故必致四圭以達誠周禮典瑞四圭有邸以祀天注曰夏正郊天也

制六器而申敬周禮大宗伯以玉作六器以禮天地四方將崇嚴配孝經嚴父

莫大于必在元甸禮記孟春之月天子乃以元日祈穀于上帝注曰謂以上辛郊祭天配天

也晉書郊祀歌歷元甸集首吉先之以蒼璧駢牲周禮

徐曰元甸即元日日日以于言重之以雲門大呂周禮

大宗伯以蒼璧禮天禮記郊特牲牲用駢尚赤也用犢貴誠也

大司樂乃奏黃鐘歌大然後王猶有關於薦敬禮記祭義

呂舞雲門以祀天神魏志高堂隆疏曰所以昭事上帝告虔報施也周官三

代之文周官卽周禮三代之制絕而不續漢氏萬靈之

位史記封禪書公孫卿曰黃帝接萬靈明廷明廷者甘泉也又天子遂郊雍幸甘泉令祀官具太一祠

壇十一月辛巳朔旦冬至昧爽天子始郊拜太一如雍郊禮漢書郊祀志甘泉宮中為臺室畫天地泰一

諸鬼神而置祭具以致天神按此萬靈之位似指泰時甘泉而祠祀極多備見郊祀志失而莫

尋豈若皇帝陛下以大道遂羣生以至公臨寶祚上

苞元象下惣總皇祗黜幽陟明書三考黜陟幽明興廢繼絕

靈芝甘露鄙之而不告史官漢書武帝紀元封二年甘泉宜內中產芝九莖

連葉作芝房之歌宣帝紀元康元年甘露降未央宮
元康四年金芝九莖產函德殿銅池中神爵二年鳳

皇甘露降集京師赤鴈白麟陋之而不編瑞牒漢書武帝紀
太始三年行

幸東海獲赤雁作朱雁之歌元狩元年行幸雍祀五
時獲白麟作白麟之歌班固兩都賦序武宣之世眾

庶說豫福應尤盛白麟赤雁芝房寶鼎之歌薦
於郊廟神爵五鳳甘露黃龍之瑞以為年紀然後

因孟月一作春非卜擇上辛禮記郊之用辛也周之始
郊日以至春秋穀梁傳以

十二月下辛卜率於國南禮記兆于南郊就陽位也
通典周制祈穀壇名泰壇

在國南五十里式是歲首且天以陛下為子故必饗明誠人

以陛下為天故必流睿澤踰千越萬按卽超越前古
之意舊引漢書

郊祀志黃帝萬諸侯而邁五登三舊書司馬相如傳
上咸五下登三

神靈之封君七千非也麗體金膏卷七 六

何則取

集作致

直言之科

漢書武帝紀建元元年詔舉賢良方正直言極諫之士互

詳下

則聽輿論者不足算

左傳聽輿人之誦楚語與人誦

設宥過之

令

書宥過無大刑故無小

則除鄉議者未可儔

左傳鄭人游于鄉校以論執政

然明謂子產毀鄉校如何子產曰何為夫人朝夕退而游焉以議執政之善否其所善者吾則行之其所

惡者吾則改之是吾師也若之何毀之

延賞推恩

書賞延于世按推恩是汎語非專用漢書

諸侯王表武帝施主父之策下推恩之令

用以勸禦災捍患之士

禮記能禦大菑

則祀之能捍大患則祀之

減租退責

漢書惠帝紀帝即位減田租復十五稅一退責即已責左

傳晉悼公即位施舍已責注

將以矜火耕水耨之人

漢書武帝紀詔曰江南之地火耕水耨應劭曰燒草下水種稻草與稻竝生高七八寸因悉芟去復下水

灌之草死獨稻長
所謂火耕水耨
養庶老頒淖糜暖帛之資
禮記月令仲秋

養衰老授几杖行糜粥飲食王制有虞氏養國老於上庠養庶老於下庠漢書文帝紀吏稟當受鬻者師

古曰鬻淖糜也走羣望潔剝牲瘞幣之禮左傳韓宣子曰竝

望祀山川皆走往祈禱書望于山川周禮大宗伯以血祭祭社稷五祀五嶽以鯢沈祭山林川澤又蛟人

將事四海山川飾黃駒注曰殺駒以祈沈又肆師大祀用玉帛牲物次祀用牲幣小祀用牲古不

觀者復觀古不聞者復聞萬蟄蘇而六幽盡開
禮記樂記

曰蟄蟲昭蘇餘五刃藏而九土咸闢
齊語定三革隱五刃注曰定奠

也隱藏也三革甲冑盾也五刃刀劍矛戟臣當時集

軍州官吏等丁寧告示
漢書谷永傳以丁寧陛下師古曰丁寧謂再三告示

也。况臣嘗備論思，獲叨侍從。

兩都賦序武宣之世，言語侍從之臣若司馬相

如虞邱壽王東方朔枚臯王褒

劉向之屬，朝夕論思，日月獻納。當時仙禁，慙視草以

無能。漢書淮南王傳：武帝每為報書及賜常召司馬

相如等視草，乃遣舊書傳，堦能為古文，有史才。文宗重之，歷集賢學士，起居舍人。此日泰壇望給薪

而靡及。禮記祭法：燔柴於泰壇，祭天也。月令：季冬之

燎周禮：委人以式法。徘徊甸服，跼踏闕城。史記呂產

共祭祀之薪，蒸木材。徘徊甸服，跼踏闕城。史記呂產

殿門弗得入，徘徊往來。詩謂天蓋，雖有慶於文明，竟

無階於奔走。書武成：祀于周廟，邦甸侯衛駿司馬談

闕陪盛禮，沒齒難忘。史記自序：是歲天子始建漢家

之封而太史公留滯周南不得

與從事故發憤且卒漢書蕭望之蕭望之願立本朝馳魂莫及傳望之為平

原太守雅意在本朝遠為郡守內不自得無任抃舞結戀之至

為京兆公陝州賀南郊赦表

按此即上篇之事也徐氏以本

集代謝相國京兆公諸啟啟皆為杜悰此亦當代悰而舊新傳無悰

出守陝州之事遂謂史文失此一遷其說頗辯余初亦從之而疑之今而實知其謬

也通鑑會昌元年三月武宗將遣使誅楊嗣復等戶部尚書杜悰奔馬見德裕是何

嘗有出外之蹟哉舊書傳章温京兆人文宗時為尚書左丞出為陝虢觀察使武宗

即位李德裕用事召拜吏部侍郎今據此文蓋温於武宗初出為陝虢傳文小舛耳

韋自漢扶陽侯徙京兆杜陵故後世皆稱京兆城南韋杜何可專屬杜哉獻相國京

兆公啟亦非杜也。又按此題與獻相國京兆公與尚書渤海公及詩之寄興元渤海

尚書書法本自分別不細心考索易致相混耳。舊書志陝州屬河南道。陝虢觀察使

治陝州。唐李商隱義山

臣某言臣伏奉正月九日制書郊禋禮畢改元為某

人赦天下者既事虞郊書舜典肆類于上帝禮記祭法有虞氏禘黃帝而郊魯

復新堯。歷天潢瀉潤史記天官書漢者金之散氣其本曰水絕漢曰天潢後漢書張

衡傳乘天潢之汎汎日觀揚暉見為安普天率土罔

不慶幸臣某中賀臣聞君人之孝莫大於尊祖詩序

尊祖也。后稷生于姜嫄。文武之功起于后稷。故推以配天焉。王者之敬孰踰於事

天固

一作故

必用因高之儀

禮記禮器為高必因邱陵注曰謂冬至祭天子園邱

之上也

申嚴配之禮

見上表

百神

集有

序萬靈昭

集有

乃

可覃殊恩渙大號禮成而德備惠敷而慶宏然而秦

尚武功

戰國策魯仲連曰彼秦者棄禮義而尚首功之國也

先祈禳之事

漢書郊祀

志秦并天下令祠官各以歲時奉祀唯雍四時上帝為尊又曰祝官有秘祝即有災祥輒祝祠移過于下

故柴燎蕭薌未必饗

禮記祭義燔燎蕭薌見以蕭光以報氣也郊特牲既奠然後燂

蕭合

漢稱文物

左傳文物以紀之聲名以發之校漢時稽古禮文之事武帝始作備詳漢

書紀贊云稱文物謂

重神仙之道

漢書紀文帝十五年上幸雍始郊見

此也故下云重神仙五帝武帝元鼎五年立泰時于甘泉天子親郊見餘詳上篇武帝好神仙詳史記漢書

故雲門

太族未必和

周禮大司樂圜鍾為宮黃鍾為角太族為徵姑洗為羽雲門之舞冬日至於地

上之圜邱奏之漢書禮樂志武帝定郊祀之禮乃立樂府造為詩賦略論律呂以合八音之調作十九章

之歌以正月上辛用事甘泉圜邱使童男女七十人俱歌既不講於禮官終致譏

於儒者伏惟皇帝陛下與春生育竝日照臨究三代

之質文酌百王之損益定午位卜上辛潔齊之誠

也者言萬物之潔齊也先掃除而遐達

禮記至敬不饗味而貴然後推作解

協氣臭以升聞

禮記至敬不饗味而貴然後推作解

之恩

易雷雨作解君子以赦過宥罪

降惟新之令

書舊染汙俗咸與惟新

設科

以招諫諍

新書選舉志制舉有賢良方正直言極諫之科

宥過以務哀矜

書

帝哀矜庶戮之不辜左傳范宣子囚叔向祁奚曰社稷已責既恤於三農周禮三農生九穀餘見上表錄勲無

遺於十代之固也猶將十世宥之以勸能者頒粟帛

而養耆老漢書文帝紀有司請八十以上月賜米肉酒九十以上加帛祭長吏闕視丞若尉致

走牲幣而徧山川見上表舉皇王之廢官盡古今之能

事臣當時集軍州官吏丁寧告示訖況臣嘗奉恩光

叨居華顯當太史撰日之際周禮太史大祭祀與執事卜日文選曹大家東

征賦時孟春之吉日兮撰良辰而猶立漢廷漢書陸賈傳賈

將行善日禮記注云撰猶擇也周禮大宗伯凡祀大神享大鬼祭大元詔相王

以此遊漢庭公卿間及宗伯相儀之時享大鬼祭大元詔相王

之大已辭魏闕見濮陽陳情表按於開成五年怛悵

郡印漢書百官公卿表郡守秩二千石徘徊使車漢書

蕭育傳以三公使車載育入殿徒深傾藿之誠曹植表

中受策餘互詳為終郡公啟實積懸瓠英華注疑作瓠按不必疑之

藿之傾葉太陽雖不為之迴光然終向之者誠也

歎詩匏有苦葉傳曰匏謂之瓠論語註匏瓠也瓠瓜得如不食之物繫滯一處按古今注瓠有柄曰懸瓠此則用論語以歎羈滯即他篇羨海槎不繫之意

召公邑內敢思棠樹以追蹤詩序甘棠美召公也箋曰召公聽男女之訟不

重煩勞百姓止舍小棠之下而聽斷焉國人思其人敬其樹餘見彭陽遺表尹喜宅中惟

望靈符之復出舊書紀天寶元年正月陳王府參軍田同秀上言玄元皇帝降見於丹鳳

門之通衢告賜靈符在尹喜之故宅上遣使就函谷故關尹喜臺西發得之地理志陝州靈寶縣本桃林

縣以掘得寶符改名臣不勝慶幸踴躍之至

拜殿集

麗體金膏卷七

宋四六選

賀登極表

范致虛

帝。出。乎。震。夙。膺。主。器。之。祥。王。次。於。春。遂。迓。履。端。之。慶。
天。人。協。應。夷。夏。交。懽。竊。以。受。命。之。君。莫。大。於。創。業。垂。
統。繼。體。之。主。所。貴。於。持。盈。守。成。念。夫。致。王。業。之。艱。難。
是。知。履。帝。位。而。中。正。爲。人。上。若。朽。索。之。馭。措。天。下。如。
泰。山。之。安。恭。惟。皇。帝。陛。下。承。八。聖。之。丕。基。檢。千。齡。之。
寶。運。聰。明。睿。知。得。四。海。之。懽。心。恭。儉。孝。慈。副。萬。邦。之。
僉。望。故。太。上。欣。傳。於。聖。祚。而。千。官。喜。戴。於。堯。仁。進。當。

有。大。之。符。入。纘。無。疆。之。烈。乘。乾。之。健。金。行。適。應。於。庚。
申。繼。離。之。明。火。德。遂。迎。於。丙。午。契。宋。興。之。首。歲。當。炎。
運。之。昌。期。諒。天。心。眷。佑。之。有。歸。豈。人。事。謳。歌。之。無。證。
惟。東。宮。之。毓。聖。德。十。有。一。年。宜。南。面。而。朝。羣。臣。萬。有。
千。歲。臣。叨。陪。邇。列。阻。造。天。庭。追。懷。昔。玷。於。周。行。每。瞻。
天。表。自。幸。未。先。於。朝。露。獲。覩。龍。飛。尚。觀。新。政。之。行。普。
慰。蒼。生。之。願。

賀登極表

許開

壽皇發號自託倦勤睿主席圖茲誠善繼事光今古

慶溢華夷。恭惟皇帝陛下。仁孝稟乎天資。忠厚循乎
家法。象符洊震。仰元良者二十年。運偶重離。兼剛柔
之六三。德漢承堯而傳。歸於子舜。授禹而允。執厥中
別殿。問安永具威儀於鳳輦。靈臺偃伯。必加正朔於
龍庭。臣逃奉教條。阻趨班列。一道而聖相受。仍際太
平舊邦。而命惟新。請賡大雅。

賀登極表

陳耆卿

歷數承堯。裨千歲皇圖之正。謳歌歸舜。煥一時帝位
之新。廟社鼎安。寰區泰定。竊以百年南渡。四世中興。

繼體守文之功固永扶於基緒撥亂反正之略將寢
復於土疆人未占以有孚天不言而善應是生上聖
以闡重明恭惟陛下性德清淵幾神濬哲韜除外邸
隱然天日之姿出入內朝允矣宗祊之望共識五馬
之渡誰知六龍之潛迨此承祧決於與子合夷夏之
無外度帝王之有真停歌周宣復古之詩併擬元結
齊天之頌含齒之衆跂足以須臣猥守京畿欣逢御
極風雲從而萬物覩已丕聳於八垠日月照而四時
行幸光輝於三輔

賀聖節表

方岳

惟天敷五正淵獻之孟陬聞嶽呼三增泰元之神筴
星樞明潤海宇清夷恭惟皇帝陛下受命溥將躋民
仁壽華夏蠻貊罔不率登茲太平國家閒暇及是時
所其無逸祥開甲觀春在寅堦臣幸假熊馮嘗陪獸
舞河千里一曲雖遠京師亥二首六身但忻歲紀

賀元會表

秦觀

十三月爲正旣前稽於夏道二千石上壽仍參承於
漢儀盛旦載逢彝章具舉伏惟皇帝陛下財成天地

參並神明命羲和之二官。謹春秋之五始。調和元氣。撫御中區。肆屬春王之朝。肇修元會之禮。雞人呼旦。庭燎有光。外則虎賁羽林。嚴宿衛之列。內則謁者御史。肅班行之容。漏未盡而車輅陳。蹕旣鳴而鼓鐘作。應龍高舉。雲氣畢從。北極上臨。星宿咸拱。受四海之圖籍。拜萬國之衣冠。歲月日時於焉先正。聲明文物粲爾可觀。邁康王。鄴宮之朝。揜高帝。長樂之事。藹頌聲而並作。鬱協氣以橫流。臣比遠天光。遽更年籥。職拘藩國。莫瞻龍袞之升心。折宸居。但想獸樽之列。

賀皇帝御福寧殿表

李劉

秘殿鼎新。昭鴻名而日揭。宸居離麗。肅龍衛以天臨。
風來南面。之薰星拱。北辰之所恭。惟陛下體元居正。
圖大宅中。福庶民以是訓之。彝寧萬國。以惟和之政。
盡力致孝。既卑夏禹之宮。修政禳災。復考宣王之室。
棟取諸壯。菽轉而豐。鶯聲既便於觀。旂鶴駕仍通於
問寢。誕敷文德。聿觀舞羽于兩階。載纘武功。式燕躋
堂之萬壽。臣攝麾黔鄙。馳夢清都。四海爲家。更願綢
繆於牖戶。萬民安宅。益堅壯麗之山河。

賀車駕幸秘書省表

呂祖謙

東觀書林。久俟漢儀之覩。西崑冊府。載瞻周馭之臨。嗣三紀之閔模。軼百王之盛節。竊以斯文崇替。與世降升。自我祖宗。闢載籍萃藏之地。於時典冊踵乘。輿游幸之書。從容箴誨之求。廣大峻良之聚。炎圖再造。華省一新。爰親御於右文。用仰繩於前武。重明善繼。太極丕承。乙夜牘陳。念初載網羅之不易。昕朝班入。思中興儲養之有原。迺臨三館。髦俊之躔。乃展列聖圖書之奧。帝暉下矚。光汗牛克棟之藏。天藻高垂。跨

駟馬柏梁之詠。湛露示醇醲之惠。承雲宣純繹之音。一日萬幾。曾靡齋居之暇。九流七略。獨煩清蹕之留。蓋以恢稽古尚德之風。夫豈爲飾治樂成之舉。聲明布濩。慶賜汪洋。恭惟皇帝陛下。秩序邦經。裁成王度。多聞將求。建事旣留意於簡編。大烹所以養賢。復均盼於肴醑。士心興起。雅道流行。臣等服在具條。身逢昌會。第從臣之頌。敢揚厲於鴻休。近天子之光。請具宣於德意。

賀車駕幸太學表

石 悉

三千璧水教自國中萬里旄旌來從天上升階奠爵
而蒐舉墜典橫經賜坐以光輝諸生自然草靡而風
從孰不鳶飛而魚躍竊以增員廣舍自漢而下莫如
唐養老乞言由堯以是傳之舜削畫餅虛名之科舉
惠羸糧往學之衣冠在太平時皆盛德事前古蓋嘗
有意卒無成功元豐未暇盡行留待今日恭惟皇帝
陛下與天無極如日之升謂命鄉論秀告於王而化
民成俗必由學夙嚴葆衛祇謁儒宮有司洒道以清
塵觀者駢肩而累足雲開東幄降黃屋以親臨鷺集

西。靡。望。翠。華。而。再。拜。士。氣。鼓。翮。歡。心。湧。泉。豈。特。夏。曰。
校。而。周。曰。庠。矢。其。文。德。將。使。戎。在。西。而。狄。在。北。懷。我。
好。音。臣。目。覩。天。書。心。存。魏。闕。起。太。史。滯。留。之。嘆。嘉。會。
難。逢。獻。周。王。壽。考。之。詩。適。人。未。出。

車駕親征起居表

汪藻

萬。旅。戒。嚴。六。蜚。巡。狩。法。成。周。之。時。邁。張。大。漢。之。天。聲。
恭。惟。皇。帝。陛。下。誠。貫。神。明。資。兼。智。勇。合。羣。英。之。策。慮。
興。中。否。之。基。圖。念。問。安。猶。隔。於。雞。鳴。豈。撥。亂。得。辭。于。
馬。上。姑。從。簡。約。用。示。憂。勤。臣。方。遠。闕。庭。莫。共。牧。圉。神。

戈所。指。方。令。裴。度。以。視。師。清。蹕。之。行。將。獲。呂。嘉。而。名。縣。

賀誅吳曦表

危昭德

河。山。有。誓。敢。爾。負。恩。天。地。不。容。竟。茲。授。首。神。人。憤。洩。海。宇。懽。同。恭。惟。皇。帝。紹。開。中。興。布。宣。聖。武。三。軍。叶。力。事。方。急。於。規。恢。一。夫。當。關。志。乃。謀。於。竊。據。公。連。異。類。欲。悖。太。陽。以。所。守。非。親。而。化。為。豺。狼。謂。無。天。道。見。無。禮。于。君。而。誅。如。鳥。雀。寧。變。人。心。不。勞。尺。兵。遂。膏。齊。鉞。平。劉。闢。於。蜀。本。元。和。聖。德。之。明。除。子。璋。於。綿。豈。成。都。

猛將之力。臣叨聯近屬。假守神臬。自聞露布之馳。不
知屐齒之折。大開明堂之朝賀。深荷清廟之宣揚。

代宣司賀復泗州表

應松湖

十乘啟行。誕播順天之罰。一城得雋。首歸輿地之圖。
壯士氣於前茅。愴皇靈於破竹。山河開闢。夷夏驩呼。
竊惟大義之鼓行。尤貴先聲之響應。漢數百戰。由下
沛以迎降。湯十一征。蓋自葛而始。載矧泗水之名郡。
本都梁之故城。雞犬相聞。久渴旱霓之望。豺狼肆噬。
可稽時雨之師。肆舉幟以先登。果倒戈而效順。民皆

按堵市不易廛。破淮北之藩籬。諸道並進。扼山東之門戶。萬里長驅。陛下默運神機。於昭聖武。過師枕席之上。救民水火之中。曰。後。后。后。來。蘓。爭。持。牛。酒。有。不。戰。戰。必。勝。行。洗。甲。兵。臣。肅。奉。廟。謨。董。司。戎。律。鋪。淮。瀆。而。馘。醜。虜。已。觀。因。壘。之。降。伐。獫。狁。以。奏。虜。公。竚。見。犁。庭。之。舉。

代宰相賀正旦雪表

洪林适

三微更始。正王道之大端。六出飛花。兆年豐之嘉慶。自近及遠。式舞且歌。竊以葭律移灰。方陬月棣通之。

際椒花獻頌。正鴻禧萃聚之時。蓋聖人之德無加。則
天瑞應誠而至。葵心向日。方瞻鳳唳之頌。柳絮因風。
已發兔園之詠。雜軒墀之玉砌。成宮闕之瑤臺。實一
人有慶之符。示百穀用成之應。良史直筆。已書尺地
之珍。太師陳詩。行播千倉之什。茲蓋恭遇皇帝陛下。
履端於始。與物爲春。惟盛德上合於天。故圓穹不愛
其道。旣頌聲之並作。致協氣以橫流。七政齊於璿璣。
有合璧連珠之瑞。四時和爲玉燭。無鳴條破塊之災。
故茲五穀之精。降此一歲之始。臣濫司台柄。獲覩休

祥變理陰陽。大懼絲豪之無補。勤勞稼穡。行觀廩廩。以皆盈。仰望龍顏。徒深鼇抃。

賀雪表

呂祖謙

蠖。獲。蟬。娟。穆。若。清。都。之。邃。聯。翩。飛。洒。曷。然。豐。樂。之。祥。
璀璨宸居。昭融休氣。恭惟太上皇帝陛下。默調玉燭。
高眠珍臺。成性存存。雖獨觀於虛白。爲衆父。父未庸。
釋於黎黔。顧圭璧之錯陳。睠倉箱之載懌。臣逖居下。
土。絕。跂。寥。天。游。藐。姑。之。山。旣。瞻。冰。雪。占。曾。孫。之。稼。豫。
慶。茨。梁。

代宰相賀雪表

楊萬里

神功所格。冬大雪以應期。天意謂何年。屢豐而表瑞。吉之先見。序則不愆。恭惟皇帝陛下。乾以君之聖之時者。日月所會。臨地統於三正。造化爲工。凋天葩之六出。知麥禾之有望。舉稚耆以載欣。臣遭世泰和。罔功變理。驗時寒之若端。自聖謀懷履薄之如敢。忘臣節。

賀雪表

黃疇若

同雲蔽野。甫占寒氣之升。浮玉飛英。爰表豐年之瑞。

事關扈正喜徹龍顏恭惟皇帝陛下綏靖嘉師彌綸
神化潛天而天潛地而地罔間幽深曰雨而雨曰暘
而暘同施闔闕時屬三冬之序祥開六出之靈委積
徘徊凝寶光於鳩鵲氛氲散漫接雲氣於蓬萊祛癘
疾於崇朝啟豐穰於嗣歲雖均覆燾實賴裁成臣等
俯愧變調勉圖報稱列賢才於庶位無晝臥洛陽之
人激士氣於三軍有夜入蔡州之志

賀河清表

趙鼎臣

后祗秩祀適陳母事之儀坎德開先特薦河清之瑞

表非常之景。貺昭至感之精。通凡在見聞。孰不欣忭。
伏惟皇帝陛下。誕揚基命。欽率元謨。得虞帝之執中。
體成湯之秉哲。人文煥而允穆。聖風衍而普和。名山
既升。集四靈而爲畜。萬物咸賴。顧行葦而不傷。恬淡
宅中。雍容垂拱。天鑒丕德。啟真籙以合符。民戴上仁。
奄神區而望幸。而自講求。茂實俯詢。僉同增修。鄧上
之宮。竚發襄城之駕。威儀浸盛。兼商輅以齊驅。福應
駢臻。豈漢鼎而專美。洪惟域中。四大得一。以攸寧。
天生五材。水潤下而爲利。稽九河之既導。冠四瀆以

稱尊抱睢壤以縈迴。合汾源而奔注。舟師振楫。幾汨於涇泥。川后靜波。俄澄於江練。連銀漢而共色。俾浪井以成文。三門緩激。箭之流百丈。見織鱗之戲蕩。邪却穢挹之無遜。于甘泉薦潔。明馨用之。可資於元酒。實千年之慶會。同萬世以延鴻。臣等將侍嚴祠。獲觀丕應。顧縉紳之士。已拜于封章。止旬浹之間。又窺於列奏。願示在廷之著位。式昭希代之殊祥。

徐州賀河平表

蘇軾

聖謨獨運。天眷莫違。庶邦子來。民罔告病。萬杵雷動。

役不逾時。遂消東北莫大之憂。然後麥禾可得而食。人無後患。喜若更生。伏以大河爲災。歷世所病。禹治克州之野。十有三載。乃同漢築宣防之宮。二十餘年而定。未有收狂瀾於旣潰。復故道於將堙。俛仰而成神速。若此。恭惟皇帝陛下。至仁博施。神智無方。達四聰以來。衆言廣大。孝以安宗廟。水當潤下。河不溢流。屬歲久之無虞。故患生於所忽。方其決也。本吏失其防。而非天意。及其復也。蓋天助有德。而非人功。振古所無。溥天同慶。維豐沛之大澤。實汴泗之所鍾。伊昔

橫流凜孤城之若塊。迨茲平定。蔚秋稼以如雲。害旣
廣。則利多。憂獨深而喜倍。雖官守有限。不獲趨外庭。
以稱觴。而民意所同。亦能抒下情而作頌。

賀獄空表

趙鼎臣

堯舜性仁。民日遷善。成康刑措。史不絕書。凡有耳目
之見。聞不勝手足之舞蹈。竊以中都浩穰。在止辟以
尤難。長夏鬱蒸。雖佚居而猶病。無有一人之獄。適丁
千載之期。恭惟皇帝陛下。獨運離明。躬行乾健。如曰
不辜之殺。寧失不經。推吾所愛之人。及其不愛。曾旬

月之未幾。致囹圄之屢空。逮於畿赤之間。舉絕繯繼之繫。符瑞數興於草木。貨財耻拾於道塗。歷春夏以滋多。累百千而未已。臣獲寬吏責。仰冒天功。得以駑鈍之姿。坐成嘉美之化。沉朱李於寒水。共樂清時。鞠茂草於園扉。殊多暇日。

和議成賀表

岳飛

觀時制變。仰聖哲之宏規。善勝不爭。實帝王之妙算。念此艱難之久。姑從和好之宜。睿澤誕敷。輿情胥悅。竊以婁敬獻言於漢帝。魏絳發策於晉侯。皆盟墨未

乾。軟。血。猶。濕。俄。駟。南。牧。之。馬。旋。興。北。伐。之。師。蓋。

不。情。而。

無。信。莫。守。金。石。之。約。難。充。溪。壑。之。求。圖。

苟。安。而。解。倒。垂。猶。之。可。也。欲。長。慮。而。尊。中。國。豈。其。然。
乎。恭。惟。皇。帝。陛。下。大。德。有。容。神。武。不。殺。體。乾。之。健。行。
與。之。權。務。和。衆。以。安。民。迺。講。信。而。修。睦。已。漸。還。於。境。
土。想。喜。見。其。威。儀。臣。幸。遇。昌。時。復。觀。盛。事。身。居。將。聞。
功。無。補。於。涓。埃。口。誦。詔。書。面。有。慚。於。軍。旅。尚。作。聰。明。
而。過。慮。徒。懷。猶。豫。以。致。疑。謂。無。事。而。請。和。者。謀。恐。卑。
辭。而。益。備。者。進。願。定。謀。而。全。勝。期。收。地。於。兩。河。唾。手。

燕雲正欲復仇而報國誓心天地尚令稽首以稱藩
賀光堯皇帝遜位表
馮時行

爲天下得人。睿謀素定。與萬方更始。皇統親傳。意合
祖宗。道同堯舜。恭惟太上皇帝。英明獨運。慈儉躬行。
勵精三紀之餘。恭已萬民之上。啟昌運於中興之日。
朝諸侯於復會之時。已安神器於覆盂。眞視天下如
敝屣。委無倫之富貴。與造物遊處。太上之崇高。爲天
子父。功成不有道大難名。臣謬領州麾。欣承詔旨。考
百王而未見。歎美斯勤。祝萬壽之無疆。傾輸至切。

正旦遥賀太上皇表

汪藻

接千載之統。推神筴以膺期。上萬年之觴。御端朝而受祉。若稽故實。遙企清光。恭惟太上皇帝陛下。體道粹精。怡神冲漠。方席宗祧之慶。遽成國步之艱。帝堯游汾水之陽。久忘天下。文王遇明夷之卦。益見聖人。臣自遠威。顏薦更時序。當璣衡之載復。悵旒宸之猶賒。鴻雁雖賓。莫附帛書於沙漠。風濤中阻。徒瞻雲氣於蓬萊。

賀太上皇壽七十表

孫養晦

皇圖授聖綿寶奠於萬年。帝夢與齡開壽編於七秩。侈熙朝之盛事溢萬宇之歡聲。臣聞有永降年自天。祈命大德必壽從古而然。千二百歲而不衰。蓋修身之有道。百二十刻而成度。徒增漏以爲期。於皇上聖之臨。度越前王之懿。授神器於雍熙之日。心懷脫屣之高。備至養於康彊之時。年及從心之適。非祠禱而徑躋於上壽。不導引而自籍於長生。亘古未聞於今。創見恭惟陛下誠參化育。道妙希夷。爲天下得人。盡付謳歌之啟。與造物爲侶。咸歸富壽於堯。在天心眷。

顧以方隆致睿算增崇而未已。演二首六身之數。仰符基命之辰。會三統九章之元。將衍後天之奠。恩綸新下。孝治有光。臣持節南州。馳神北闕。稱觴漢殿。身雖遠於鵷行。祝壽堯封。心敢忘於虎拜。

重華宮會慶節賀表

周必大

日會析津。夙推良月。星流華渚。茲應昌期。凡居有截之區。同慶無疆之祝。恭惟至尊壽皇聖帝陛下。功成弗處。道大難名。不獨親其親。孝與慈而並。廣爲衆父之父。理暨性以兼融。巍然太極之尊。永矣溥天之養。

聖謨可頌。睿算難窮。臣竊伏江城。欣逢誕節。望重華之殿。旅百何從。想萬壽之山。呼三罔怠。

會慶節賀壽皇表

陸游

錫。羨。無。疆。丕。顯。生。商。之。旦。成。功。不。處。適。當。命。禹。之。時。
熙。運。親。逢。羣。情。胥。慶。恭。惟。至。尊。壽。皇。聖。帝。陛。下。仁。涵。
動。植。道。配。堪。輿。詩。書。所。稱。何。有。加。卓。爾。規。模。之。大。唐。
虞。之。際。斯。爲。盛。超。然。揖。遜。之。風。積。勤。致。王。業。之。成。端。
拱。視。天。命。之。阜。豈。特。極。高。而。蟠。厚。固。已。勒。崇。而。垂。鴻。
臣。等。誤。寘。周。行。久。陶。聖。化。蓬。萊。隔。弱。水。三。萬。里。獲。進。

謁於殊庭。上古有大椿八千。秋冀默符於睿奠。

拜颺集

車駕巡幸起居太上皇表

汪藻

年運而往。天時俄及。於凜秋日。舒以長物。外方觀於
浩劫。恭惟太上皇帝陛下。研幾繫表。探蹟寰中。旣與
夫造物者遊。孰肯以天下爲事。遺元珠於赤水久矣。
相忘飲膏露於金莖。自然難老。臣等幸參法從。嘗侍
清光。徒傾就日之誠。莫遂瞻天之意。

重華宮上尊號賀皇帝表

許開

畫袞繡裳。承燕謀於正宇。翠旗雕輦。奉鴻號於慈闈。

孝本一人慶均八表。恭惟皇帝陛下。孜孜興夏業。業繼虞念。茲莫報之恩。原此難名之德。乾稱父坤稱母。並擬形容。河出圖洛。出書載新。篆刻歛五福。惟皇之極。率百官若帝之初。臣分竹南邦。傾葵北闕。襲六而作一。藝敬想特書。明兩而照四方。永觀盛際。

賀皇帝慶皇太后八十表

洪适

進壽東朝。宣恩北闕。殿上皆稱萬歲。瑞應非常。海內之凡九州。歌呼同慶。臣聞喜黃髮而頌壽。母魯國有詩。摘紫房以和慈。顏晉人自賦。若長樂備常珍之奉。

在前王無故事之傳。恭惟皇帝陛下道大興齊。功光
系漢。日致其孝。有曾閔事親之風。帝降之祥。得黃老
養性之福。雖早朝而晏罷。必夏清而冬溫。逢八十春
秋之會。出五三經籍之右。吹律式迎於首祚。舉觴遂
介於長年。歡連宮闈。澤洽黎庶。比屋起南陔之養。瑤
池呈西老之符。興慶之率百官。曾非曠典。建元之復
三奠。何啻陳編。臣遠守小邦。側聞盛禮。迴鑿紀事。徵
踪。嘗錄於汗青。賜札錫民。異渥。獲推於戴白。

賀皇帝慶皇太后八十表

洪适

喬雲結幄爛南極於紫霄。元日稱觴介東朝之黃髮。
郵音所寄嘉頌式騰竊以有三足烏說西崑之蠹勝。
鍊五色石聞上古之斷鼈已標仙籍之長生式播皇。
風於不朽慶綿長樂事始昌辰恭惟皇帝陛下性稟。
姜任行齊曾閔問安視膳蕃釐專鄉於媪神據德依。
仁介福鼎來於王母禮行膝下歡洽宮中八千歲春。
方百分之及一十七代史比萬壽以無雙臣遠使重。
湖與聞曠典仰泰階而肅序厥路無由祝坤極之增。
年後天而老。

代進光宗御集表

王子俊

雲漢爲章。莫闕寶儲之彩。風雷作號。俾緡金匱之藏。
勒成一經。昭示萬世。竊以聖人肆筆。初何意於成書。
天下觀文。乃有功於範俗。繫隆昭代。適駿先猷。恭詔
編摩之臣。彙列昭回之次。煥然可述。施及無疆。恭惟
光宗皇帝。學富月將。聖高天縱。得書之體。得言之解。
上掩百王。如日之升。如月之常。下飾萬物。疇昔燕閒。
之御。從容翰墨之場。周文郁郁乎宏賁。盈成之治。虞
書。渾渾爾丕昭。精一之傳。陛下聲欲廣文。道能繼禹。

作者之謂聖。敢忘繼志述事之心得。其所以書洞見。經天緯地之妙。肆命臣工而纂緝。載揚帝典之光華。緗帙縹囊。寶爲大訓。赤文綠字。皆聚此書。臣等猥以謏聞。膺茲隆旨。玩歲愒日。空殫淺見。於管闕。血指汗顏。深覺聖言之天遠。

國史院進三朝正史帝紀表

洪邁

三后在天。誕著丕謨之懿。百年積德。惟憑信史之傳。方論次之開先。仰威靈之如在。載涓昧且。輒冒宸嚴。臣竊以詒厥孫謀。寶爲大訓。必有不刊之典。用扶可

久之基赫赫裕陵制作擅百王之冠巍巍哲萌規恢
宏七世之觀迨昭考之勃興備盛朝之盡美治安之
極葩判所無禹繼舜舜繼堯顧三聖而守一道事繫
時時繫月宜一經以垂無窮慨多歷於歲華訖未施
於功緒蓋士起異同之論而時更板蕩之餘視熙豐
符祐之成舉是非而雜揉攷崇觀政宣之志頗放失
于舊聞賴故家遺俗之猶存致偉蹟闕休之可紀參
稽定貫允屬昌辰恭惟皇帝陛下宗祏宅心羹牆係
念明烈祖之成德以庶邦惟正之供覲文王之耿光

善孝子述人之事。欲壯西箱之御。趣哀東觀之書。臣等自愧庸虛。敢知筆削書大事。而小則簡牘。願殫緇素之勤。藏名山。而副在京師。終冀汗青之望。

代進重修七司令表

王子俊

制而用之。謂之法。所期合古而便今。變而通之。存乎時。當亦舉偏而補弊。立爲成憲。允屬昌辰。肆令億兆之心。具曉晝一之意。竊以著爲律。疏爲令。要皆所以範民。作者聖。述者明。亦共圖于經世。必揭始觀之象。用陶不倦之民。以時纂修。爲世檢押。陛下堯綱具舉。

舜法可傳。左規右矩。前準後繩。以爲民極。詳法略則。本數末度。則有司存。粵從寶曆之紹承。咸仰聖摹之宏遠。五服薄四海。臂使指而畢從。八統御萬民。網在綱而不紊。猶恐弊生於所忽。殆將功敗于已成。爰制詔於臣鄰。俾科條於令甲。布在方冊。允釐百工。鳧居雁聚之浩繁。同歸於治。金科玉條之明白。可舉而行。勒成一代之書。庸示九圍之式。臣等賦材謏薄。庀職凌兢。繼晷窮年。空玩歲月。而何補奉命承教。乃得聖王而爲師。維幸及於奏篇。猶未知於免戾。

進大學衍義表

真德秀

伏以汗竹雖塵何補聖經之奧。食芹欲獻誤蒙天語之溫。以十年纂輯之餘。欣一旦遭逢之幸。惟大學設八條之教。爲人君立萬世之程。首之以格物致知。示窮理乃正心之本。推之於齊家治國。見修己爲及物之原。曾子之傳。獨得其宗。程氏以來。大明厥旨。迨師儒之繼出。有章句之昭垂。臣少所服膺。晚而知趣。謂淵源遠矣。實東魯教人之微言。而綱目燦然。迺南面臨民之要道。曩叨侍從。論思之列。適當姦諛蒙蔽之

時念將開。廣於聰明。惟有發揮於經術。使吾君之心。炳如白日於天下之理。洞若秋豪。雖共堯雜進於堯。朝豈魑魅能逃於禹鼎。不量菲薄。欲效編摩。遽罹三至之讒。徒結九重之戀。既投閒而置散。因極意以研精。畎畝不忘君。每惓惓于報上。藩牆皆置筆。幾矻矻以窮年。首綴聖賢性命道德之言。旁采古今治亂安危之迹。必提其要。皆聚此書。凡諸老先生之講明。粗加該括於君子小人之情狀。尤極形容。載瞻海嶽之崇深。期效涓埃之神補。茲益恭遇皇帝陛下。乾旋坤

原书缺页

原书缺页

惜名器以待有功。如此之流，未易悉數。可謂進苦口之藥石，鍼害身之膏肓。使德宗盡用其言，則貞觀可得而復。臣等每退自西閣，卽私相告言，以陛下聖明必喜贊議論，但使聖賢之相契，卽如臣主之同時。昔馮唐論頗牧之賢，則漢文爲之太息。魏相條鼂董之對，則孝宣以致中興。若陛下能自得師，則莫若近取諸贊。夫六經三史，諸子百家，非無可觀，皆足爲治。但聖言幽遠，末學支離，譬如山海之崇深，難以一二而推擇。如贊之論，開卷了然，聚古今之精英，實治亂之

龜鑑。臣等欲取其奏議，稍加校正，繕寫進呈。願陛下置之坐隅，如見贊面，反覆熟讀，如與贊言，必能發聖性之高明，成治功於歲月。

進兩制三館牡丹歌詩狀

晏殊

化○合○天○心○祥○開○卉○木○協○風○靈○雨○散○為○膏○壤○之○滋○共○蒂○并○柯○布○在○密○青○之○囿○畫○品○難○形○于○卓○異○瑞○圖○不○盡○於○芳○妍○乃○詔○儒○臣○各○摛○華○藻○匪○太○平○之○特○盛○豈○榮○遇○之○及○茲○昔○者○虞舜膺期，有皋陶之賡載；周宣繼業，聞吉甫之誦章。蓋默助于謨猷，不專工於辭翰。迨於漢室。

尤好藝文。別館離宮。多命從臣之制作。倡優鄭衛。已無前古之箴規。中葉以還。其風未泯。永平神雀之頌。孝明稱美者五人。正元重九之篇。德宗考第於三等。並垂編簡。式著熙隆。洪惟聖運之會昌。可繼重華之輝耀。然於衆製。未復前修。思諷諭者。隱其誠而靡宣。局聲律者。艷其言而罕實。不足以上裨睿覽。下達民情。效明良喜起之音。續雅頌清微之範。姑用登高而能賦。庶幾博奕之猶賢。罔叶精求。豈任多愧。臣首當庸濫。實玷恩華。興寤以思。覲惶無極。

進先文定公文集表

胡寅

宸衷尚舊。故老形思。訓釋典文。夙簡高深之記。遺餘
篇翰。更蒙清燕之求。臣伏念先臣志希明道。謀不爲
身心遠地。偏寄陶廬於三徑。人憂已樂。甘顏巷之一
瓢。吟咏性情。而無雕蟲篆刻之爲。交際往來。而乏竿
牘苞苴之智。中經俶擾。多所散亡。晚獲奠居。僅成編
帙。精忠皎皎。每提撥亂之綱。莊語諄諄。多闡濟時之
用。進則傾輸於君父。退猶關說於公卿。壯懷投老而
益堅。弱齒抱痾而彌勵。自期有補。終冀一伸。邛本成。

陰雖鬱春秋之志。囊書奏御。何知且暮之逢。伏遇陛下典學格身。崇儒化俗。華衮豈惟於一字。緇衣不問於十年。乃因仲息之對。揚錫以溫顏之清問。斯文不墜。多士流傳。臣謹已校定舛訛。分成門次。爰從傳置。進備覽觀。函劍有光。旣徹斗牛之象。浦珠無恙。合供璇璣之需。

謝兼侍讀表

蘇軾

重地隆名。不擇所付。清資厚祿。以養不才。伏念臣以草木之微。當天地之澤。七典名郡。再入翰林。兩除尚

書三忝侍讀。雖當世之豪傑。猶未易居矧如臣之孤
危。其何能副。恭惟皇帝陛下。聖神格物。文武憲邦。重
離。離。明何煩燭火之助。大厦既構。尚求一木之支。而
臣白首復來。丹心已折。望西清之帷幄。久立徬徨。聞
長樂之鼓鐘。恍如夢寐。莫報邛山之施。猶貪頃刻之
榮。

謝侍講兼脩國史表

洪邁

七閩去朝久。隔鈞天之夢。一朝得覲。重趨丹地之班。
仰戴鴻私。俯慚駑鈍。伏念臣本無能。績鮮有事。功禁

路持荷蚤占榮於清貫。大州剖竹旋待罪於輔藩。茂
報毫分。悵違顏咫尺。敢謂璽封之收。召趣前宣席之對。
揚祿以真祠。還其故步。勸漢殿光祿之講。安用腐儒。
纂周官石室之文。復爲太史。拜訓辭之甚厚。知符任
之益專。自顧蠢愚。將何答塞。茲益伏遇陛下。道齊堯
舜。仁奉祖宗。下建武之詔書。正爾恢張。於治具數正
元之朝士。獨憐流落之孤蹤。肆垂齒錄之恩。俾卒汗
青之業。臣敢不旁搜遠紹。廣記備言。竊闕聖學之光
明。謹次舊聞之放失。抱遺經而究終始。詎殫佔畢之

勤藏名山而副京師實有遭逢之幸

謝宣召入翰林狀

歐陽脩

使車入里君命在門閭巷。遙傳豈識朝廷之故事。搢紳竦歎以爲儒者之至榮。在臣之愚何以堪此竊以文章之任自古非輕。待遇寵榮至有私人之目。詢謀獻納。因加內相之名。恩旣異於常倫。人愈難於稱職。伏念臣器非宏達。識匪該明。學不通古今之宜材。不識方圓之用。久叨塵於侍從。曾莫著於勞能。而自出守外藩。近遭家禍。苟存餘喘。復齒周行。風波流落者。

十年天日再瞻於雙闕。進對之際。已蕭颯於霜毛。憊勞有加。賜憫憐於玉色。形神若此。志意可知。身已分於早衰。心敢萌於希進。加以羈危之迹。仇嫉交攻。進退動繫於羣言。論議多煩於睿聽。雖覆載之造。每賜保全。而孤蹇偷安。常思引去。敢謂伏蒙皇帝陛下。俯憐舊物。曲軫宸慈。因內署之闕員。俾備官而承乏。臣敢不勉尋舊學。益勵前脩。感遺簪不棄之仁。竭駑馬已疲之力。庶伸薄效。少答鴻恩。

謝宣召入院表

真德秀

來從南服。未宣民版之勞。召置北扉。猥被宸綸之寵。
光生里巷。榮動簪紳。竊觀列聖之用人。惟待詞臣而
加禮。蓋於言語文章之外。責其論思獻納之忠。或雖
忤旨而暫閒。終必棄瑕而復用。脩除翰苑。在環滁出
守之餘。軾侍禁廷。亦赤壁歸來之後。豈非加歲月則
其文老。涉憂患則其慮長。乃登邃巖以備顧問。如臣
者才華弗競。慙拙自將。掌先皇內制者六年。每慚越
俎。迨陛下初元之再命。竟許循墻。以驅馳州縣之頻。
且廢放山林之久。見聞寢少。藝業益荒。結茅屋於雲

邊已甘終老。瞻玉堂於天上。若隔前生。敢云白首之
重來。誤辱清衷之妙簡。獲玷久虛之選。幾成三入之
榮。茲益恭遇皇帝陛下。肆筆成文。解絃更化。志孚群
聽。欲下山東之書。念在邊垂。或訪河西之事。必有端
良之彥。以充供奉之班。奚取臣愚。以承人乏。臣敢不
益堅晚節。思答隆知。賜宮錦而加草詔之能。雖非敢
望。卽金鏡而擲任賢之要。則所自期。

謝知制誥表

歐陽脩

伏以王者尊居萬民之上。而誠意能與下同。奄有四

海之大而惠澤得以徧及者得非號令告詔發揮而
已哉。然其爲言也質而不文。則不足以行遠。而昭聖
謨麗而不典。則不足以示後。而爲世法。居是職者古
難其人。乃以愚臣而當此選。伏惟皇帝陛下茂仁聖
之姿。荷祖宗之業。日慎一日。曾未少懈。而自羗夷負
固邊鄙。用師勤儉。率先於聖躬。焦勞常見於玉色。雖
有憂民之志。而億姓未蘓。雖有欲治之心。而羣臣未
副。故每進一善。則未嘗不欲勸天下之能。每官一賢
則未始不欲盡人材之用。雖以爵祿而砥礪。尚須訓

誠之丁寧。尤假能言以諭至意。可稱是者。不又艱歟。
伏念臣雖以儒術進身。本無辭藝可取。徒值嚮者時。
文之弊。偶能獨守好古之勤志。欲去於雕華文反成。
於樸鄙。本懼不適當世之用。敢期自結聖主之知。陛
下獎之特深。用之太過。此臣所以懇讓三四。至於辭
窮。而天意不回。寵命難止。尚慮頑然之未諭。更加使
者以臨門。恩出非常。理難屢瀆。及俯而受命。伏讀訓
辭。則有必能復古之言。然後益知所責之重。夙夜惶
惑。未知所措。伏况文字之職。廁於侍從之班。在於周

行是爲超擢。不徒揮翰以爲効。自當死節以報恩。惟所使之期於盡瘁。

謝除中書舍人表

蘓轍

越從左使。擢領西垣。口出命書。身參法從。深念山林之跡。本無富貴之心。聞命若驚。固辭不獲。伏念臣生本西蜀。家世寒儒。學以父兄爲師。貧無公卿之助。私有所求於祿養。輒自力於文詞。慨然東遊。無以上達。際會仁祖。訪求直言。策語猖狂。恃神聖之不諱。考官怪怒。惡悻直之非宜。孰知牾俗之言。特被愛君之詔。感

激恩遇。遂忘死生。莫酌國士之知。適有私門之禍。未
填溝壑。重迫饑寒。時於道塗。望見神考。一封朝奏。夕
聞召對之音。衆口交攻。終至南遷之患。生雖不遇。嘗
辱顧於二宗。時不見容。勢殆濱於九死。厄窮自致。黽
俛何言。敢云衰病之餘。復被寵光之幸。此蓋伏遇太
皇太后陛下。母慈均覆。坤德無私。欲以任姒之明。躬
行堯舜之道。肆求多士。以遺成王。耆老畢會於朝廷。
耕築不遺於林莽。遂令拔擢猥及空疎。馮唐已衰。猶
願雲中之往。貢禹雖老。未忘封事之勤。譬如木之在

山。生。則。荷。恩。而。死。無。所。怨。水。之。於。地。行。則。潤。下。而。止。不。敢。辭。臣。之。事。君。義。亦。如。此。欲。報。之。意。非。言。所。殫。

謝禮部尚書兼翰林院學士表

周必大

宗。伯。綴。文。昌。之。座。已。高。曳。履。之。班。翰。林。依。華。蓋。之。星。尚。玷。演。綸。之。直。當。聖。主。謹。持。於。官。器。獨。愚。臣。常。愧。於。

私。人。臣。竊。考。自。古。豪。英。之。才。旋。觀。當。今。文。學。之。士。或。抑。淹。草。茅。之。下。或。陸。沉。州。縣。之。中。瞻。城。南。尺。五。之。天。致。身。無。路。想。玉。階。方。寸。之。地。通。籍。幾。人。况。乎。出。入。禁。嚴。周。旋。侍。從。論。思。獻。納。日。邇。清。光。被。衣。服。乘。歲。叨。徽。

數向非負一時之望。安能符衆論之公。如臣者學不
足以知方。才不足以應務。家壁四立。甘爲窮陋之民。
君門九重。敢起躋攀之念。而自親逢聖作。首奉詔除。
簡知特厚於諸臣。獎擢徧更於華貫。官益崇而效寡。
祿逾富而報微。左降固宜。右遷何有。忽拜便蕃之命。
疊加優異之恩。師屬春官。光貳卿之舊。次擢文禁。苑
忝四命之新。榮煥寶帶。以章身飾。繡韉而驚駿。正使
實兼數器。尚虞稱塞之難。矧伊初乏寸長。何意超踰
之甚。周章就列。俯仰懷慙。此蓋伏遇皇帝陛下。道協

舜華志恢禹迹。明明在下。雖洞照於羣情。浩浩其天。
每包涵於萬類。寧稍捐於爵秩。恐成棄於菲葑。遂致
凡才。亦塵顯仕。臣敢不悉其思慮。稱是寵褒。號令文
章。期助漢家之制。討論潤色。勉希鄭國之賢。苟追素
餐。庶酌洪造。

謝除禮部侍郎兼直院兼侍讀表

真德秀

龍飛九五。幸逢真主之興。驛召再三。俾造邇臣之列。
職親地遠。恩鉅人微。臣竊惟國勢之重輕。率視人材。

之聚散。王多吉士。則若鳴鳳之集梧桐。朝有直臣。則若猛獸之衛藜藿。和聲聞而妖聲自息。正氣勝而邪氣罔干。是以元祐首年。盡起諸老。隆興初政。畢萃羣賢。正塗旣開。治象可卜。於赫盛旦。適追先猷。宜得白首耆艾之英。以重清時。獻納之選。伏念。臣學雖志道。材弗瘡人。忝乙第於慶元。臨軒之初。綴三館於嘉定。改絃之始。鼇扉久直。曾微華國之文。螭陛屢前。徒抱愛君之志。越從子節。游易守藩。尚欣宣室之席。前忽痛鼎湖之弓墮。義輪東出。方薄海之仰瞻。漢札西來。

先時髦而收召身未登於詞掖班已躡於儀曹金華
玉堂假儒臣之榮寵蘭臺石室窺太史之秘藏自惟
何人叨此殊獎茲益恭遇皇帝陛下德全純懿學務
緝熙念皇天后土之監臨居懷兢畏察君子小人之
消長實兆興衰謂臣雖無適用之材知臣粗有不欺
之節擢躋邇服許貢微忠臣敢不戒在苟容期於美
報惟禮可以爲國願廣晏嬰之言非道不敢陳前竊
效孟軻之敬

密州謝上表

蘇軾

草芥賤微。敢干洪造。乾坤廣大。曲遂私誠。受命撫躬。已自知於不稱。入境問俗。又復過於所期。伏念臣家世至寒。性資甚下。學雖篤志。本先朝進士。篆刻之文。論不適時。皆老生常談。陳腐之說。分於聖世。處以散材。一自離去闕庭。屢更歲籥。塵埃筆硯。漸忘舊學之淵源。奔走簿書。粗識小人之情僞。欲自試於民社。冀有助於涓埃。以爲公朝。不廢私願。携孥上國。預憂桂玉之不充。請郡東方。實欲弟昆之相近。自惟何幸。動

獲所求。雖父兄所以處臣。其僥倖不過如此。誰云疎外。有此遭逢。此益伏遇皇帝陛下。躬上聖之資。建太平之業。以為人無賢愚。皆有可用。故雖如臣等輩。猶未盡捐。臣敢不仰認至恩。益堅素守。推廣中和之政。撫綏疲瘵之民。要使民之安。臣則為臣之報國。

湖州謝上表

蘇軾

風俗阜安。在東南號為無事。山水清遠。本朝廷所以優賢。顧惟何人。亦與茲選。伏念臣性資頑鈍。名迹堙微。議論濶疎。文學淺陋。凡人必有一得。而臣獨無寸。

長荷先帝之誤恩擢寘三館蒙陛下之過聽付點兩
州非不欲痛自激昂少酌恩造而才分所局有過無
功法令具存雖勤何補罪固多矣臣猶知之夫何越
郡之名邦更許借資而顯受顧惟無狀豈不知恩此
蓋伏遇皇帝陛下天覆羣生海涵萬族用人不求其
備嘉善而矜不能知其愚不適時難以追陪新進察
其老不生事或能牧養小民而臣頃在錢塘樂其風
土魚鳥之性旣自得於江湖吳越之人亦安臣之教
令敢不奉法勤職息訟平刑上以廣朝廷之仁下以

慰父老之望。

到黃州謝表

蘇軾

狂○愚○冒○犯○固○有○常○刑○神○聖○矜○憐○特○從○輕○典○赦○其○必○死○
許○以○自○新○祇○服○訓○辭○惟○有○感○涕○伏○念○臣○早○緣○科○第○誤○
忝○縉○紳○親○逢○睿○哲○之○興○遂○有○功○名○之○意○亦○嘗○召○對○便○
殿○考○其○所○學○之○言○試○守○三○州○觀○其○所○行○之○實○而○臣○用○
意○過○當○日○趨○於○迷○賦○命○衰○窮○天○奪○其○魄○叛○違○義○理○辜○
負○恩○私○茫○如○醉○夢○之○中○不○知○言○語○之○出○雖○至○仁○屢○赦○
而○衆○議○不○容○案○罪○責○情○固○宜○伏○斧○鑕○於○兩○觀○推○恩○屈○

法猶當禦魑魅於三危豈謂尙玷散員更叨善地投
畀麤靡之野保全樗櫟之生臣雖至愚豈不知幸此
蓋伏遇皇帝陛下德刑竝用善惡兼容欲使法行而
知恩是用小懲而大戒天地能覆載之而不能容之
於度外父母能生育之而不能出之於死中伏惟此
恩何以爲報惟當蔬食沒齒杜門思愆深悟積年之
非永爲多士之戒貪戀聖世不敢殺身庶幾餘生未
爲棄物若獲盡力鞭箠之下必將捐軀矢石之間指
天誓心有死無易

謝量移汝州表

蘇軾

稍從內遷。示不終棄。罪已甘於萬死。恩實出於再生。祇服訓詞。惟知感涕。伏念臣向者名過其實。食浮於人。兄弟竝竊於賢科。衣冠或以爲盛事。旋從冊府。出領郡符。旣無片善可紀。於絲毫而以重罪當膏於斧鉞。雖蒙恩貸。有愧平生。隻影自憐。命寄江湖之上。驚魂未定。夢遊繚紲之中。憔悴非人。章狂矢志。妻孥之所竊笑。親友至於絕交。疾病連年。人皆相傳爲已死。饑寒併日。臣亦自厭其餘。生豈謂草芥之賤。微尚煩

朝廷之紀錄。開其恫悔。許以甄收。此蓋伏遇皇帝陛下。湯德日新。堯仁天覆。建原廟以安祖考。正六宮而脩典刑。百廢具興。多士爰集。擗冠結綬。共欣千載之逢。掩面向隅。不忍一夫之泣。故推涓滴。以及焦枯。顧惟效死之無門。殺身何益。更欲呼天而自列。尚口乃窮。徒有此心。期於異日。

到昌化軍謝表

蘇軾

並鬼門而東。驚浮瘴海以南。遷生無還期。死有餘責。伏念臣頃緣際會。偶竊寵榮。曾無毫髮之能。而有邱

山之罪。宐三黜而未已。跨萬里以獨來。恩重命輕。咎深責淺。此蓋伏遇皇帝陛下。堯文炳煥。湯德寬仁。赫日月之照臨。廓天地之覆育。譬之蠕動。稍賜矜憐。俾就窮途。以安餘命。而臣孤老無託。瘡癘交攻。子孫慟哭。於江邊已爲死別。魑魅逢迎。於海上寧許。生還念報德之何時。悼此心之永已。俯伏流涕。不知所云。

謝南郊恩加封表

汪 藻

禮洽中天。慶覃外服。猥奉十行之詔。就加五等之封。伏念臣積冒恩私。浸踰分願。昨投閑於異縣。蒙起廢

於偏城久客還家。方憇南飛之鵲。通侯授印。忽成左顧之龜。雖滲漉以維均。何遭逢之獨異。茲蓋伏遇皇帝陛下。調御萬類。藩飾羣工。屬宣室之受釐。罄寰宇而蒙福。臣適臨本部。仍胙鄉州。宋人并辭以得封望。胡及此。漢將銀黃而誇里榮。乃過之。寵既遠於子孫。忠敢移於生死。

謝賜御草書趙嘏南亭詩表

王禹偁

絳綃半幅

二字闕

舞鵠之紋。宸翰三行。雲繞迴鸞之勢。

天恩曲被。凡目榮觀。佩服戰兢。神魂飛越。伏惟皇帝

陛下書窮八法學洞九流英斷睿謨運元功而多暇
飛文染翰縱草聖以爲娛閒裁浙水之綾爰寫渭南
之句宮中刀尺翦雲霧于赤城筆下風雷走龍蛇于
碧落遍令中使宣賜近臣豈期瑣材亦預宸眷捧持
失次傳玩增輝忻千載之遭逢極一時之榮遇讀盡
二十八字列宿韜光宣來三十六宮天香尚在豈止
藏于篋笥亦將傳付子孫堪笑二王非墨妙筆精之
作如逢伯禹得金簡玉字之書感恩空枚于涕洟受
賜更銘于肌骨

謝賜御書孟子表

范端臣

蘊奧之義。默契於淵衷。昭回之光。發輝乎宸翰。分頒有寵。拜賜惟寅。竊以戰國縱橫。衆言散亂。乃篤生於亞聖。以丕振於醇風。闢楊墨之功。不在禹下。非堯舜之道。不陳王前。著爲一經。垂之萬世。伏遇皇帝陛下。投戈講藝。肆筆成書。旣深造于七篇。復妙臻乎八法。寫之琬琰。炳茲丹青。鳳鸞翔載。出河圖之畫。金聲玉振。復傳洛誦之文。臣猥被鴻私。親瞻睿藻。樂與諸生之講習。益昭治世之昇平。

謝賜御書張九齡千秋金鑑錄故事表

真德秀

節值千秋輒獻芻蕘之論恩頒一札獲瞻奎壁之光
俯拜難勝襲葢有耀伏念臣慚無寸技幸際兩朝昔
瑞慶方臨嘗豫陳永命之戒今天基有屆敬復攄曼
壽之言蓋謂錦囊效貢之徒勤不若丹宸獻箴之有
補經帷入侍天語垂褒觀惓惓進說之辭真懇懇愛
君之意既下軒墀之拜甫還蓬藿之居賜雲章一人
幾類邈英之故事上金鏡五卷有懷開元之諍臣不

圖。螻。蟻。之。微。驟。覩。龍。鸞。之。妙。恭。遇。陛。下。性。全。淵。懿。學。
懋。緝。熙。博。攷。舊。聞。審。萬。古。忠。邪。之。判。緬。懷。遺。直。係。一。
時。治。亂。之。分。爰。灑。宸。毫。以。勵。臣。節。臣。猥。繇。愚。拙。誤。沐。
褒。嘉。百。祿。是。宜。敢。第。述。商。頌。降。生。之。瑞。三。宗。可。法。願。
益。遵。周。書。無。逸。之。規。

謝賜衣帶表

楊萬里

瀛。州。方。丈。驚。頭。白。以。初。登。內。帛。宮。衣。偕。腰。黃。而。並。受。
迺。九。重。之。異。數。非。八。柄。之。彛。章。自。天。有。賚。踏。地。而。偃。
茲。蓋。伏。遇。皇。帝。陛。下。典。嚴。在。笥。惠。篤。薦。紳。軫。仲。由。之。

緼袍錫之三服。惻啟期之帶索。束以兼金。而臣感恩。不貲。圖報無所。茂然慙薄。多慚疊雪之香。薊爾摧頽。第怯萬釘之寶。

謝賜對衣金帶馬狀

蘇軾

漢官三服已分。密麗之珍。唐監八坊復下。權竒之駿。拜嘉甚寵。省已何功。伏念臣受材迂踈。賦命寒蹇。幼師季路。止服緼袍。長慕少游。欲乘下澤。目眩重金之耀。神驚四牡之良。俛仰自維。周章失次。此蓋伏遇皇帝陛下。憂勤黎庶。寤寐雋賢。故損廐庫之儲。以廣英

雄之殼致茲辱陋亦被寵光臣敢不求稱於衷益鞭
其後薄德盛服當戒維鵜之篇強力安邦庶幾有駢
之頌

謝賜對衣金帶馬狀

蘇軾

錫之上駟敢忘致遠之勞佩以良金無復忘腰之適
執鞭請事顧影自慙恭惟皇帝陛下禹儉中修堯文
外煥長轡以御率皆四牡之良所寶惟賢豈徒三品
之貴出捐車服收輯事功而臣衰不待年寵常過分
枯羸之質匪伊垂之而帶有餘歛退之心非敢後也

而馬不進。徒堅晚節。難報深恩。

謝賜對衣金帶鞍馬表

張守

討論潤色。已懼空殮。衣被服乘。更蒙蕃錫。冒寵章而
增慙。超禁路以知榮。伏念臣久安龍具之貧。居豈識
蟻封之試。足羈孤寡。援誰憐。范叔之寒。災禍冥心。久
悟塞翁之失竊。重金之顯服。跨沃轡之名駒。病骨支
離。睿恩優渥。此蓋伏遇皇帝陛下。仁而徧物。哲以知
人。駿骨而市千金。灼知誠意。狐裘之非一腋。務盡衆
長。乃捐在筭之珍。曲示解驂之惠。臣敢不仰思藩飾。

俯効馳驅束帶而使與言儻不愧搢紳之列懷鞍而示可用庶幾逃負乘之譏

謝賜銀合臘藥表

周必大

雲章封璽寶劑實奩適屬凝嚴頓蘇疲瘵伏念臣甫從閑散起備蕃宣雖恪守于官箴曾未除于民瘼豈圖宸渥爰舉邦彝詔塗芝檢之黃光于下澤藥按桐君之籙滋以上池手披出綽之溫心失折綿之凜此蓋伏遇皇帝陛下慈憐臣庶軫念藩維已施起廢之功更廣蠲痾之賜恩勤至矣報稱謂何臣謹當因六

尚之珍良察一方之疾苦乃身無疾敢獨享於君仁
所部有瘳期咸霑于聖惠

謝賜銀合臘藥表

周必大

天無私覆外懷五王之臣帝有恩言中錫萬金之劑
凜乎歲晚倏爾春回伏念臣昨被綸書起司符竹考
湘纍之九辯閱楚戶之三霜多病所須常求藥物十
全爲上未造醫師茲逢漢宮臘飲之時乃冒唐殿銀
罌之澤茲益伏遇皇帝陛下道遵皇極治格泰和惟
疾之憂每推父母之愛好生之德更廣乾坤之仁故

當凝沍之辰。特有珍良之賜。臣敢不勤于服食。稱是
恩榮。候屬祁寒。深察小民之怨。居防美疢。載思惡石
之生。

謝賜柑表

金使闕名

聘禮旣陳。祝帝齡於紫闕。恩華固異。賜僊實於公郵。
方厥包未貢之期。捧茲德惟馨之賜。天香滿袖。染湘
水之清寒。雲液盈盤。挹洞庭之餘潤。梓里豈違於遺
母。楓庭切願於獻君。感德滋深。喻言罔旣。

謝致仕表

歐陽修

愚誠懇至。曲軫于皇慈。寵命優殊。特加于常品。本期
得謝。更此叨榮。伏念臣猥以庸近之材。早遭休明之
運。不通之學。旣泥古以難施。無用之文。復虛言而少
實。是以三朝被遇。四紀服勞。蒙德重于邱山。論報亡
於毫髮。而年齡晚暮。疾病尪殘。輒希知止于前人。不
待及期而後請。自陳悃幅。屢至瀆煩。旣久歷于歲時。
始曲蒙于開可。仍超加于異數。非止賜于殘骸。道愧
師儒。乃忝春官之峻秩。身居畎畝。而兼書殿之清名。
至於頭垂兩鬢之霜毛。腰束九環之金帶。雖異負薪。

之里何殊衣錦之歸使閭巷咨嗟共識聖君之念舊
搢紳感悅皆希後福之有終豈惟愚臣獨受大賜此
蓋伏遇皇帝陛下無私覆物博愛推仁以其夙幸遭
逢密契風雲之感會曾經服御不忘簪履之賤微致
此便蕃萃于衰朽雖伏櫪之馬悲鳴難戀于君軒而
曳尾之龜涵養未離于靈沼餘生易畢鴻造難酬

亳州乞致仕第二表

歐陽修

臣聞神功不宰而萬物得以曲成者惟各從其欲天
鑒孔昭而一言可以感動者在能致其誠敢傾虔至

之心。再瀆高明之聽。伏念臣本以一介之賤。叨塵二府之聯。知直道以事君。每師心而自信。然而旣乏捐軀之効。又無先覺之明。用之已過其分。而曾不自量。毀者不堪其辱。而莫知引去。幸賴乾坤之再造。得逃陷穽之危機。仍許被於要權。俾退安於晚節。今乃苦於衰病。莫自支持。顧難冒於寵榮。始欲收於骸骨。敢期聖念過軫。天慈謂雖迫于桑榆。未忍棄於草莽。竊以古今之制。沿襲不同。並由兩漢而來。雖處三公之貴。每上還於印綬。多自駕於車轅。朝去朝廷。暮歸田

里一辭高爵。遂列編民。豈如至治之朝。深篤愛賢之意。每示隆恩之典。以勸知止之人。故雖有還政之名。而仍享終身之祿。固已不類昔時之士。無殊居位之榮。然則在臣素心。雖切退深之志。迹臣所乞。尚虞僥倖之譏。伏望皇帝陛下。惻以深仁。矜其至懇。俾解方州之任。遂歸環堵之居。固將優游垂盡之年。涵泳太平之樂。惟辛勤白首。迄無一善之稱。孤負明時。莫報三朝之德。此爲慙恨。何可勝陳。

亳州乞致仕第四表

歐陽修

未忍遽捐。幸曲憐於舊物。逮茲再黷。蓋中迫於危誠。進冒誅夷。俯深殞越。伏念臣以一介無能之賤。荷三朝特達之知。仁宗擢自諸生。俾參二府。先帝力排羣議。深察孤忠。暨逢神聖之纂臨。竊幸風雲之感會。至於辨正誣枉。保全始終。雖天地之施無私恩。非責報而犬馬之微自効力。不逮心繼之衰疾之纏綿。加以年齡之晚暮。籠榮既過。小器盈而必顛。筋力已疲。飛鳥倦而思止。輒露乞身之請。願諧解組之歸。而皇慈惻然。明詔屢下。示廓含容之大度。懾安憔悴之餘生。

祇服訓辭。惟知感涕。然而忠信所以事上。理無弗踐
之空言。進退各有其宜。力或不能。而當止雖禮著引
年之制。必待及時。而身有負薪之憂。亦容辭仕。是敢
再殫悃。俯仰冀哀矜。伏望皇帝陛下。軫堯舜之深仁。
推乾坤之曲造。憫其確至。賜以允俞。俾還頽尾之居。
遂養漳濱之病。再念臣早從壯歲。粗學文辭。久冒榮
階。當豐祿。賜尚能遇樵夫。而談道宣上德。以諭愚民。
與故老而揮金均。君恩而榮里巷。以終晚節。永荷鴻
私。

乞常州居住表

蘇軾

臣聞聖人之行法也。如雷霆之震草木。威怒雖甚。而歸於欲其生。人主之罪人也。如父母之譴子孫。鞭撻雖嚴。而不忍致於死。臣漂流弃物。枯槁餘生。泣血書詞。呼天請命。願回日月之照。一明葵藿之心。此言朝聞夕死。無憾臣昔者嘗對便殿。親聞德音。似蒙聖知。不在人後。而狂狷妄發。上負恩私。既有司皆以爲可誅。雖明主不得而獨赦。一從吏議。坐廢五年。積憂熏心。驚齒髮之先變。抱恨刻骨。傷皮肉之僅存。近者蒙

恩量移汝州。伏讀訓詞。有人材實難弗忍。終弃之語。豈獨知免於縲紲。亦將有望於桑榆。但未死亡。終見天日。豈敢復以遲暮爲嘆。更生僥覲之心。但以祿廩久空。衣食不繼。累重道遠。不免舟行。自離黃州。風濤驚恐。舉家重病。一子喪亡。今雖已至泗州。而費用罄竭。去汝尚遠。難於陸行。無屋可居。無田可食。二十餘口。不知所歸。飢寒之憂。近在朝夕。與其強顏忍恥。干求於衆人。不若歸命投誠。控告於君父。臣有薄田在常州宜興縣。粗給饘粥。欲望聖慈。許於常州居住。又

恐罪戾至重。未可聽從。便安輒敘微勞。庶蒙恩貸。臣
先任徐州日。以河水浸城。幾至淪陷。臣日夜守捍。偶
獲安全。曾蒙朝廷降勅獎諭。又嘗選用沂州百姓程
棐。令購捕凶黨。致獲謀反妖賊李鐸。郭進等一十七
人。亦蒙聖恩保明放罪。皆臣子之常分。無涓埃之可
言。冒昧自陳。出於窮迫。庶幾因緣僥倖。倖功過相除。稍
出羈囚。得從所便。重念臣受性剛褊。賦命竒窮。既獲
罪于天。又無助于下。怨尤交積。罪惡橫生。群言或起
于愛憎。孤忠遂陷於疑似。中雖無愧。不敢自明。向非

人主獨賜保全則臣之微生豈有今日。伏惟皇帝陛下聖神天縱文武生知得天下之英才已全三樂躋斯民於仁壽不棄一夫勃然中興可謂盡善而臣抱百年之永嘆悼一飽之無時貧病交攻死生莫保。雖鳧雁飛集何足計於江湖而犬馬蓋帷猶有求於君父敢祈仁聖少賜矜憐。